



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 888. Usque Ad Annum 1000

Fleury, Claude

August. Vind. [u.a.], 1761

VD18 90117921

§. 58. Ecclesia Hispaniæ.

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

rum suorum causa præstare tenebantur, Sæculum X.
A. C. 998.
non exhibendi. Ergo Princeps jubet,
ejusmodi contractus non diutius valere,
quam in vita Beneficium concedentis,
iisque Successorem nullatenus obligari.

§. LVIII.

Ecclesia Hispanice.

In Hispania Bermundus II. Regnum Le- Sup. l. LVI.
§. 43.
Pelag. Ov.
p. 7.
gionense ab anno nongentesimo octo-
gesimo secundo moderabatur. Is cum
Gudestum Episcopum Ovetanum, nul-
la justa causa existente, custodia tra-
ditum, per annos tres detineret in car-
cere, atque ingentem terræ siccitatem
diramque famem ob hoc peccatum a
Deo immissam omnes crederent, com-
motus captivum libertati restituit;
moxque decidens pluvia agrorum ferti-
litem revexit. Idem Rex tribus Ser-
vis Ecclesiæ Compostellensis Episcopum
suum criminis, quod omnes boni abo-
minantur, accusantibus faciles aures
dedit, jussitque Præsulem taurorum fe-
rocissimo objici, qui cornua sua in ma-
nibus Episcopi reliquisse fertur. Cete-
rum Bermundus II. repudiata uxore
legitima aliam duxisse, duasque præ-
terea sorores concubinas aluisse legi-
tur. Roderic. l. 5.
p. 4.

Sæculum X.

A. C. 998.

In pœnam gravissimorum peccatorum a Numine permissum credebatur, quod in Regnum Bermundi Arabes irruerint, Duce *Mabomet Almanzor*, Issem Principis ignavi, Cordubæ residentis, Præfecto. Cum *Almanzor* militabant quidam Comites, olim a Bermundo Rege in exilium missi, & fama hostium adventum nunciante Sanctorum Reliquiæ, quæ Legionæ & Asturicæ quiescebant, quin etiam Regum corpora ibi sepulta, in loca tutiora translata sunt. *Almanzor* integro pæne anno Legionem obsedit, eaque ad dedicationem compulsa, portas turresque deiecit. Asturicam quoque, & complures alias urbes cepit, thesauros Ecclesiarum abstulit, ipsamque S. Jacobi Ecclesiam diripuit. Tandem duodecim, quibus bellum gessit, annis res Christianorum ita accidit, ut vix tempore Roderici Regis, cum primo Arabes inventi sunt, pejore loco steterint. Nihilominus post tot clades Bermundus Rex Legionensis Garcia, dicto *Tremente*, Rege Navarræ, & Garcia *Fernandez*, Comite Castiliæ, auxilia ferentibus, insignem de Arabibus victoriam reportavit, qua accepta clade *Almanzor* probri impatiens occubuit anno Hegiræ 393. Jesu Christi 1003. Bermundus II. Rex post annum

Roder. hist.
Arab. c. 31.

annum Christi millesimum ex podagræ doloribus decessit, relinquens Successorem Alphonsum V. quinquennem puerum, qui annis viginti novem imperavit.

Sæculum X.
A. C. 998.

Bermundo II. regnante, Legionensi Ecclesiæ præerat Froilanus, vir Sanctitate illustris. Qui Luci Augusti in Galæcia natus (in ea provincia ipsius Mater Froila honore SS. mulieribus exhiberi solito colitur) anno ætatis decimo octavo Institutum monasticum amplexus est. Inde elapsis aliquot annis in desertum secessit, ubi confluentibus postea compluribus Discipulis Monasterium fundavit, in quo ipse Abbas & S. Attilanus ipso jubente Prior fuit. Attilanus Taraconæ nobilibus parentibus anno circiter nongentesimo trigesimo nono in lucem editus, iis relictis, jam anno ætatis decimo monasterium ingressus est, ex quo S. Froilani fama attractus non multo post tempore migravit. Ramirus III. Rex, Froilano Legionem ad se vocato, magnam pecuniæ vim largitus licentiam quoque dedit, in quocunque Regni sui loco vellet, monasterium ædificandi, ubi Fratres Deum orarent pro tranquillitate Reipublicæ, quam non minus intus Christiani rebelles, ac foris Infideles turbarent. Igitur

Act. SS.
Ben. Sæc. 6.
p. 58. & 82.

Sæculum X. tur Froilanus extracto Tabarensi mona-
 A C. 998. sterio, atque etiam alio minore, † du-
 † Morcruete. centos plus minus monachos collegit,
 complurium aliorum monasteriorum Re-
 staurator eximius.

Episcopo Legionensi fati functo,
 Bermundo II. Rege jubente, Froilanus
 invitus huic Sedi præficitur, quam post-
 quam annis circiter sexdecim rexisset,
 anno 1006. tertia Octobris, qua die
 Hispania ejus memoriam colit, migra-
 vit ad Dominum. Quo tempore S. Froi-
 lanus Ecclesiæ Legionensi præfuit, ejus
 Discipulus S. Attilanus Zamorensem re-
 xit, atque ambo una die in Festo Pen-
 tecostes consecrati dicuntur. Attila-
 nus postquam sedisset annis decem, spi-
 ritu pœnitentiæ ductus, relicta Ecclesia
 sua, ad loca pia peregrinatus est. Post
 biennium reversus, cum Ecclesiam suam
 annis octo exinde rexisset, quinta Octo-
 bris anno millesimo nono, septuagena-
 rius, beato fine quievit. Ceterum in-
 ter Sanctos ab universa Ecclesia colitur.

Martyr. Ro.
5. Octob.

§. LIX.

Gregorii V. obitus. Silvester II.
Papa.

Quamquam juvenis esset Gregorius V.
 Papa,